



Aningaasaqarnermut Akileraartarnermullu Ataatsimiititaliaq

Aningaasaqarnermut Akileraartarnermullu Ataatsimiititaliap UKA2025/12 Soraarnerussutisiaqalernissamut aaqqissuussinermut peqataasussaataaneq pillugu Inatsisartut inatsisaata allanngortinneqarnera pillugu Inatsisaat pillugu apeqqutaanut akissut.

Brevdato: 15-04-2026
Sagsnr. 2025 - 15321
Akt id. 26291919

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Ataatsimiititaliap apeqqutaanut Naalakkersuisut qujapput.

Akissutip kinguaattuulaarnera Naalakkersuisut aallaqqaasiullugu utoqqatsissutigaa. Tamanna akissuteqarnissamut Soraarnerussutisiaqalernissamut katersivimmit SISA-mit Isumaginninnermullu, Suliffeqarnermut Nunamullu namminermt Naalakkersuisoqarfimmit paasissutissannik pissarsisariaqarnermik patsiseqarpoq.

Taamaalilluni Isumaginninnermt, Suliffeqarnermut Nunamullu namminermt Naalakkersuisoqarfik suleqatigiissitamut immikkut ilisimasalimmut, naalakkersuisooqatigiinnermik isumaqatigiissut naapertorlugu soraarnerussutisiaqarnermut immikkoortumik ataatsimut nalliiinermik suliaqarnissaq siunertaralugu pilersinneqartumut, oqartussaassuseqarnikkut akisussaasuvoq. Suleqatigiissitap immikkut ilisimasalinnik inuttaqartup soraarnerussutisiaqartitsinermut immikkoortumut tunngatillugu suliaminik naammassinnillunilu kaammattuutiminik tunniussinissaata tungaanut, soraarnerussutisiaqalernissamut aaqqissuussinermut peqataasussaataaneq pillugu Inatsisartut inatsisaannut annertuunik imarisaanulluunniit tunngasunik annertunerusumik aalajangiinissamut mianersortoqarnissaa, Naalakkersuisut ataatsimut isigalugu kaammattuutigiumavaat.

Naalakkersuisut soorunami isumaliutit akissutillu suleqatigiissitamut immikkut ilisimasalinnut unneqqarissumik ingerlateqqikkumavaat, taamaalilluni taakku suleqatigiissitap sulineranut ilaatinneqarsinnaaqullugit.

Tulliuttuni apeqqutit akissutillu ataasiakkaarlugit allanneqarput.

Apeqqut 1

Una Naalakkersuisunit oqaaseqarfigineqassasoq kissaatigineqarpoq: "Inatsimmi qanoq ukioqarnissamik aalajangersagaq allanngortinneqassaaq, tamatuma saniatigut nalinginnarmik aatsaat 25-nik ukioqalernermi katersuisussaataaneq aallartinneqartassamat." Pisortanut taamatullu innuttaasunut aningaasaqarnikkut kingunerisassat immikkut oqaaseqarfiginissaannik Naalakkersuisut qinnuigineqarput.

Akissut

Ileqqaartussaataanerup 25-nik ukioqalernissamut kinguartinneqarnera, qaqugukkt soraarnerussutisiaqalernissamut katersinermut aaqqissuussinermut akiliisoqartarnissaanik kinguartitsisinnaavoq. Tamanna soraarnerussutisiaqalernissamut

ileqqaartunut pitsaanngitsumik kinguneqaateqarsinnaavoq, siusinnerusukkummi soraarnerussutisiaqalernissamat akiliutit, piffissap ingerlanerani ernialersuineq pissutigalugu nalinginnaasumik annertunerusumik iluanaarutissiisarmata.

Inuiaqatigiinni soraarnerussutisiassanik aningaasaatit ataatsimut isigalugu annikinnerulernissaat ilimagineqartariaqarmat, soraarnerussutisianut akiliutit taamatutaaq pitsaanngitsumik sunnerneqarnissaat ilimagineqartariaqarpoq. Taamaammat allannguut matussusiinerup annertussusaanut sunniuteqassaaq. Apeqqutip 2-p akineqarnera innersuussutigineqarpoq.

Taamaammat tamatuma pisortat utoqqalinermi soraarnerussutisiaqartitsinerisut pilersuisussaataitanermut nammakkerneqarnerata annertunerulernissaa aamma kingunerissavaa, taamaalillunilu aamma soorunami aningaasaqarnikkut attassisinnaannginnermik ajornartorsiummik annertunerulersitsissalluni.

Siunnersuutip suleqatigiissitap immikkut ilisimasalinnik inuttaqartup isumaliutaanut ilaasinnaanera, Naalakkersuisut innersuussutigaat.

Tulliullugu ilinniagaqartunut ilaatitsinnginnerup aqunneqarnera ajornakusuussaaq, ilinniagaqartummi atugaat assigiinngitsorujussuusinnaapput.

Soorlu ilinniagaqartoq sulii ilinniagaqarnerisooq paasissallugu ajornakusoorsinnaavoq. Ilinniagaqartoqarsinnaavoq ilinniagaqartutut nalunaarsorsimasunik, taamaattoq ilinniarnermik ingerlatsinatilluunniit piffissap ilaani ilinniakkamik ingerlatsisunik. Piffissap aamma ilaani ilinniartuuneq pineqarsinnaavoq. Ataatsimut isigalugu malittarisassat ilaatitsinnginnerillu pissutsit nalgisarsiunngitsumik, soorlu ukiutigut isertitanilu atugassatigut paasineqarsinnaasunut tunngavissinnissaat kaammattuutaavoq, taamaaliornermimi allaffissornikkut aningaasartuutit annikinnerulersinneqartarmata.

Ilinniagaqartut atugaat assigiinngitsorujussuupput. Ilinniagaqartut ilaat ilinniakkamik saniatigut ulloq naallugu suliffeqarput, taamaalillutillu qaffasissunik isertitaqarlutik. Ukioqatigeeqataanni inoqarsinnaavoq appasissunik isertitalinnik, ilinniartuunnginnerallu pissutigalugu pinngitsoornani ileqqaartussaataitanermut ilaatinneqartunik. Taamaammat ilinniagaqartut pinngitsoornani ileqqartussaataitanermut ilaatinneqannginnissaannut tunngavilersuutit nassuiaruminaatsutut illersoruminaatsutullu issinnaapput.

Ilinniagaqartut allat ilinniarnermi nalaani suliffeqarnissamat periarfissaqarnatilluunniit piffissaqanngillat, ilinniagaqarnerisutillu pingaarnertut inuussutigalugit. Inuit taakku nalinginnaasumik ukiumut 125.000 kr.-t inorlugit isertitaqartuusarput, taamaammallu ileqqartussaataitanermut ilaatinneqanngereerlutik.

Tamatuma saniatigut ilinniagaqartunik pinngitsoornani ileqqartussaataitanermut ilaatitsinnginneq, ilinniagaqartut ilinniarnerminnik naammassinninnerminni inuiaqatigiinni aningaasarsiaqarnerusunut nalinginnaasumik akuulersarnerannik ataqatigiissillugu isigineqartariaqarpoq. Taamaammat ataatsimut isigalugu ilinniagaqartut pinngitsoornani ileqqartussaataitanermit ilaatinneqannginnerat, inuiaqatigiinni innuttaaqatigiiaanun allanut sanilliullugu naapertuilluannngitsutut isigineqarsinnaavoq.

Apeqqut 2

Una Naalakkersuisunit oqaaseqarfigineqassasoq kissaatigineqarpoq:
"Katersuisitsinermi nusunneqartartussat qaffasinnerpaaffigissavaat 4

procent (maanna nalinginnarmik 10 procentinut qaffakkiartortinneqartussa qatorunnaarsillugu)." Pisortanut taamatullu innuttaasunut aningaasaqarnikkut kingunerisassat immikkut oqaaseqarfiginissaannik Naalakkersuisut qinnuigineqarput.

Akissut

Matussutissiissutit annertussusaasa apparnissaat kinguneqaataassaaq. Matussusiissutit tassaapput innuttaasup suliffeqarnermi inuunermini isertitaasa ilaat, inuup soraarnerussutisiaqalernermini pissiarsiassai.

Ilanngussaq 1 innersuussutigineqarpoq, tassani assigiinngitsunik akiliisarnermi matussusiissutinut kinguneqaatit takutinneqarput. SISA naatsorsukkanik suliaqartuuvoq.

Soraarnerussutisiaqalernissamut aqqissuussinermut peqataasussaataaneq pillugu Inatsisartut inatsisaani sulinermi isertitaqqaartuni 75 procentit missaat matussutissiissutaassasut siunnerfioqqaarpoq, taamaamallu sulinermi inuunermini isertitanit 10 procentit pinngitsoornani ileqqaagassarisatut tunngavigineqarput. Ukiumut sulinermit isertitat 250.000 kr.-t tunngavissaatinneqarput.

Innuttaasut qaffasinnerusumik isertitaqartut 75 procentinik matussutissiissuteqassagunik 10 procentinut qaffasinnerusumik ileqqagaqartussaassapput. Innuttaasut appasinnerusunik isertitallit 10 procentinut annikinnerusunik taamaallaat akiliissapput, pisortammi utoqqalinermi soraarnerussutisariatitaat suliffeqarluni inuunermini isertitanut annertuutigit naapertuummat. Tamanna pinngitsoornani ileqqaartussaataaneqarup inunnut ukiumut 125.000 kr.-nit 175.000 kr.-nut isertitaqartunut annertusiarortinneqarneratigit takuneqarsinnaavoq.

Soraarnerussutisiaqalernissamut aqqissuussinermut peqataasussaataaneq pillugu inatsimmik 2024-mi naliliinermi (ilanngunneqartumi), inatsisip matussutissiissummut iluaqutaasumik sunniuteqartussatut ilimagineqarnera inerniliunneqarpoq. Naliliinermini takussutissiaq 15-imi inatsimmi atuuttumi agguaqatigiissillugu matussutissiissutit 66 procentimut qaffannissaannik ilimagisaqarneq takuneqarsinnaavoq. Inatsit atuutinnippat matussutissiissutit taamaallaat agguaqatigiissillugu 58 procentiussaaq.

Procentimik ileqqaagassarititaasumik appaanerup inuit ataasiakkaat soraarnerussutisiat isertitanik agguaqatigiissillugu appariaateqarnerulerneru, matussutissiissutillu appaareranik ilimagisaqartariaqarnerat kingunerissavaa.

Ataatsimut isigalugu allanngineq inuiaqatigiit utoqqalinermit soraarnerussutisiat aningaasartuuteqarnerulernerat malitsigissavaa, innuttaasummi amerlanerit utoqqalinermini soraarnerussutisiat pingaarnertut pilersuinermini toqqammavittut annertunerusumik pinngitsuuisinnaassanngillat. Taamatut allanngineq aningaasalersuinerminik pisariaqartitsiviussaaq.

Amerlasuut ullumikkut 10 procentimik annertunerusumilluunniit, assersuutigalugu isumaqatigiissutinut ilaatinneqarnerup malitsigisaannik soraarnerussutisiaqalernissamut akiliisarmata, pinngitsoornani ileqqartussaataaneqarup 4 procentimut appaareru siunissami soraarnerussutisiat aningaasaqarnikkut naligiinnginnermik annertunerusumik pilersitsinermut ilapittuissaaq. Inatsisartut inatsisaanni minnerpaamik pumasaqaataasunik naammassinnittut, inuillu assersuutigalugu suliffeqarnermi

soraarnerussutisiaqalernissamik aqqissuussinermik ilaatinneqartut akornanni assigiinngissuseq siunissami annertunerulissaaq.

Naalackersuisut inatsisissatut siunnersuutaanni sulisartutut isertitaqartunut ileqqaartussaataanerup 9 procentinut aalajangersarnera, naggasiutigineqassaaq.

Apeqqut 3

Una Naalackersuisunit oqaaseqarfigineqassasoq kissaatigineqarpoq: "Katersuinnermut atatillugu aningaasarsiat tunngavigineqartut maanna 150.000-iusut, 250.000-inut qaffasinnerusumulluunniit qaffanneqassapput." Pisortanut taamatullu innuttaasunut aningaasaqarnikkut kingunerisassat immikkut oqaaseqarfiginissaannik Naalackersuisut qinnuigineqarput.

Akissut

Soraarnerussutisiaqalernissamut aqqissuussinermut peqataasussaataaneq pillugu Inatsisartut inatsisaani ullumikkut 150.000 kr.-nik isertitat qaffasinnerpaaffiannik atuuttoqanngilaq. Pinngitsoornani ileqqartussaataaneq 125.000 kr.-nit annertusiarortarpoq aatsaallu 175.000 kr.-nik ukiumut isertitaqarnikkut tamakkiisumik atuutsinneqalersarluni, tak. soraarnerussutisiaqalernissamut aqqissuussinermut peqataasussaataaneq pillugu Inatsisartut inatsisaani § 3, imm. 3 aamma imm. 4. Ilanngullugu Inatsisartut inatsisaat nr. 29, 25. november 2022-meersoq takuuk.

Aningaasanik 250.000 kr.-nut killiliussamik qaffaanerup inuit amerlanerusut pinngitsoornani ileqqartussaataanerminnik appaaviginerarnerat kingunerissavaa.

Soraarnerussutisiaqalernissamut aqqissuussinermut peqataasussaataanermit taamatut allannguinerup suliarnut ilanngunneqarnissaa, Naalackersuisut suleqatigiinnut immikkut ilisimasalinnut innersuutissavaat.

Allannguneq pingaarnertut soraarnerussutisianut matussutissiissutinut tunngatillugu, siuliani apeqqut 2-mi nassuiarneqartutut kinguneqassaaq, soorluttaaq tamanna utoqqalinermit soraarnerussutisianut ikiorsiissutinut qaffasinnerusunik aningaasartuuteqarnermik aningaasaqarnerullu attanneqarsinnaaneranut pitsaanngitsumik kinguneqassasoq.

2024-mi innuttaasut affaasa marluk naapiffiini isertitat 215.700 kr.-upput (tassa innuttaasuni 50 procentit isertitaqarneruffiat innuttaasullu 50 procentiisa isertitakinneruffiat). Killiliussap 250.000 kr.-nngorneranut innuttaasut 50 pct.-ii taamaalillutik ullumimit ileqqaartussaataanermit annikinnermut ilaalissapput.

Apeqqut 4

Inuit perulullutik napparsimasut imaluunniit piffissami sivilisunngitsumi inuusussatut naatsorsuutigineqartut uumatillutik soraarnerussutisiaqalernissamut aqqissuussinermut peqataasussaataanermit ileqqaakkamik tigusinnaanissaannut periarfissinneqartariaqartut tunngavilersuutigineqarpoq. Taamaattumik perulullutik napparsimasut eqaannerusumik pisinnaaqullugit iliuseqarnerusinnaaqullugillu ajornartorsiut taanna suleqatigiissitap immikkut ilisimasalinnik inuttaqartup siuliani taaneqartup suliarnut ilanngutissagaa kissaatigineqarpoq, taamaaliornikkut napparsimasut inuunermik sinnerani

ileqqaakkaminnik namminneq atuisinnaaqullugit. Aaqqissuussinermik taamaattumik atuutsitsilernissami suut akimmisaarutaasinnaappat?

Akissut

Soraarnerussutisiaqalernissamut aaqqissuussinermut peqataasussaaitaanermut Inatsisartut inatsisaanni soraarnerussutisiaqalernissamut aaqqissuussani perululluni napparsimanermut atatillugu matussusiinernik ilanngussineq ataasiarluniluunniit akiliuteqarneq periarfissaavoq.

Perululluni napparsimanermut atatillugu ataasiartumik akiliuteqarsinnaanerup pisinnaanera pisunilu sorlorni tamatuma pisinnaanera, soraarnerussutisiaqalernissamut aaqqissuussinerni ataasiakkaani sillimmasiissutini atugassarititaasut suut atuunnerat apeqqutaapput. Tamatuma saniatigut soraarnerussutisiaqalernissamut aaqqissuussinernit matussusiissutaasa akileraaruserneqartarnerannut, akileraarusiisarnermi malittarisassat apeqqutaasinnaapput.

Soraarnerussutisiaqalernissamut aaqqissuussinermut peqataasussaaitaanermut inatsisartut inatsisaanni inuit isertitamik ilaannik procentimik aalajangersimasumik soraarnerussutisiaqalernissamut akiliinissaannik peqquneqarput. Amerlanerussuteqartulli nammineerlutik, suliffeqarnermi soraarnerussutisiaqalernissamik aaqqissuussinermut peqataatinneqarnermik malitsigisaanik, soraarnerussutisiaqalernissamut aaqqissuussinermik toqqaallutilluunniit piumasaqaatinik naammassinnittarput. Soraarnerussutisiaqalernissamut aaqqissuussinernut soraarnerussutisiani atugassarititaasut pisuni suni perululluni napparsimanermi il.il. akiliisoqarsinnaaneranut aalajangersaasuusarput. Innuttaasoq nammineerluni soraarnerussutisiaqalernissamut aaqqissuussinermut akiliinngippat, Akileraartarnermut Aqutsisoqarfik assersuutigalugu skattekortip qaffanneqarneratigut akiligassiinikkut akiliisitsisarpoq. (Tamanna inatsisissatut siunnersuutikkut atorunnaarsinneqassaaq).

Aningaasat soraarnerussutisiaqalernissamut aaqqissuussakkut pioreersumut ikineqarsinnaanngippata, aningaasat soraarnerussutisiaqalernissamut aaqqissuussinermut, SISA pensionimut innuttaasup atia atorlugu akilerneqartarput.

SISA Pensionsi aaqqissuussinerni taakkunani perululluni napparsimanermi matussutissiissutit pillugit aperineqarput, taakkulu ima akissuteqarput: Aningaasat akilersinneqartut periarfissaqartillugu sapinngisamik innuttaasup soraarnerussutisiaqalernissamut aaqqissuussaanut pioreersumut ikineqartarput. Innuttaasoq soorlu siusinnerusukkat SIK malillugu isumaqatigiissutikkut atorfeqarnera pissutigalugu SISA pensionimi soraarnerussutisiaqalernissamut aaqqissuussamik peqareerpat, aallaavittut aningaasat aaqqissuussamut tassunga ikineqassapput.

Taamaalillunilu tassani aaqqissuussani ataasiakkaani atugassarititaasut tassanga malittarisassiussisusarput. Aaqqissuussinerni taakkunani amerlanerni perululluni napparsimanermi matussutissiissummik ilaatitsisoqartoq, tassangalu ataasiartumik akiliisoqartartoq, SISA paasissutissiivoq. Nalinginnaasumik 100.000 kr.-t. Innuttaasorlu aalajangersimasunik piumasaqaatitalimmik matussutissiissummik annertunerusumik saniatigut pisisinnaavoq. Soraarnerussutisiaqalernissamut aaqqissuussami katersanik akiliuteqarsinnaaneq periarfissaanngilaq.

Tamatuma saniatigut Akileraartarnermut Aqutsisoqarfiup sullitap aqqa atorlugu SISA-mi soraarnerussutisiaqalernissamik aaqqissuussinermik pilersitsisoqartarpoq.

Aaqqissuussinermi tassani atugassarititaasut soraarnerussutisiaqalernissamut pinngitsoornani peqataasussaataitanermik isumaginninnermik suliamik suliarinnittussarsiuussinermik atatillugu aalajangersarneqarput. Pisuni taamaattuni sillimmasiinernik aaqqissuussinernik pillersitsisoqarnissaa isumaqatigiissutigineqanngilaq, tassani perululluni napparsimalerneq ilanngullugu. Tamanna soraarnerussutisiaqalernissamut pinngitsoornani peqataasussaataitanerup taamaallaat innuttaasunut soraarnerussutisiaqalernissamik aaqqissuussaartoqarneranik qulakkeerinnittoqarnissaanik siunertamik ataqatigiiffeqarpoq. Innuttaasoq perululluni napparsimalernissaminut allamulluunniit sillimmasernissaminut kissaateqaruni, tamanna allatigoortillugu aaqqissuunneqartariaqassaaq.

Soraarnerussutisiaqarnermi atugassarititaasunik, SISA-mik isumaqatigiissutigineqartunik allanngineq, atugassarititaasunik SISA-mik isumaqatiginninniaqqinnissamik tunngavissaqartinneqassaaq.

Innuttaasut aningaasanik Akileraartarnermut Aqutsisoqarfimmit aaqqissuussinermut ikineqartunik tiguisinnaanermik periarfissaqarput. Tamannali 55 procentinik akitsuuserneqassaaq, tak. aningaasarsianik akileraartutit pillugit Inatsisartut inatsisaanni § 46. Tamannattaq aningaasat innuttaasup SISA-mi aaqqissuussaanut pioreersumut aningaasanik akiligaanut atuuppoq.

Inussiarnersumik inuulluaqqusillunga

Aqqaluaq B. Egede



4 pct.-mik aamma 10 pct.-mik soraarnerussutisiassanut akiliisarnermi matussusiisarnerup annertussusai

| Qaammammut akiliinerit aamma matussusiisarnerup annertussusai ukiut 40-ni ileqqaarnermi procenti tunngavigalugu | | | | |
|---|---------------|----------|---------------|----------|
| | 4 pct. | | 10 pct. | |
| | Qaam. Akilii. | Matussut | Qaam. Akilii. | Matussut |
| 200.000 kr. | 16.900 | 101% | 21.000 | 126% |
| 300.000 kr. | 18.300 | 73% | 24.400 | 98% |
| 400.000 kr. | 19.600 | 59% | 27.800 | 83% |
| 500.000 kr. | 21.000 | 50% | 30.400 | 73% |
| 600.000 kr. | 22.400 | 45% | 32.700 | 65% |
| 700.000 kr. | 23.700 | 41% | 34.900 | 60% |

Brevdato: 10-03-2026
Sagsnr. 2025 - 15321
Akt id. 25855491

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Nalunaarsugaq: 67-inik ukioqalernermi soraarnerussutisiat akiliutigineqartalertarput, inuunerullu sinnerani akiliutigineqartarlutik. Ukiut 40-ni soraarnerussutisiassanut akilersuisimaneq tunngavigineqarpoq. Isertitat utoqqalineri soraarnerussutisiarit aamma ileqqaartussaaitaanerme akilersuutitigut soraarnerussutisiarit kisimi tunngaveqarput. Ukiumut aningaasarsiat aamma soraarnerussutisiat akileraarut akilertinnagu naatsorsorneqarput, tassa akileraarutit aamma ilanngaatit siorna.

Matussusiisarnep annertussusaa

| 4 pct.-mik matussusiineq - Soraarnerussutisiat katillugit naatsorsukkat: ileqqaartussaaitaaneq soraarnerussutisiallu. - Ukiumut isertitat akilersuinerullu sivisussusaa apeqqutaatillugit. | | | | |
|---|----------|----------|----------|----------|
| | Ukiut 10 | Ukiut 20 | Ukiut 30 | Ukiut 40 |
| 100.000 kr. | 174% | 177% | 181% | 187% |
| 200.000 kr. | 88% | 92% | 96% | 101% |
| 300.000 kr. | 60% | 63% | 68% | 73% |
| 400.000 kr. | 46% | 49% | 54% | 59% |
| 500.000 kr. | 37% | 41% | 45% | 50% |
| 600.000 kr. | 31% | 35% | 39% | 45% |
| 700.000 kr. | 27% | 31% | 35% | 41% |
| 800.000 kr. | 24% | 28% | 32% | 38% |
| 900.000 kr. | 22% | 25% | 30% | 35% |
| 1.000.000 kr. | 20% | 24% | 28% | 33% |

Nalunaarsugaq: 67-inik ukioqalernermi soraarnerussutisiat akiliutigineqartalertarput, inuunerullu sinnerani akiliutigineqartarlutik. Ukiut 40-ni soraarnerussutisiassanut akilersuisimaneq tunngavigineqarpoq. Isertitat utoqqalinerneq soraarnerussutisiat aamma ileqqaartussaaitaaneq akilersuutitigut soraarnerussutisiat kisimi tunngaveqarput. Ukiumut aningaasarsiat aamma soraarnerussutisiat akileraarut akilertinnagu naatsorsorneqarput, tassa akileraarutit aamma ilanngaait siorna. Matussusiisarnep annertussusaa soraarnerussutisiat isertitat ilaattut katillugu soraarnerussutisiat akilersuutit naatsorsorneqartarpoq.

| 10 pct.-mik matussusiineq - Soraarnerussutisiat katillugit naatsorsukkat: ileqqaartussaaitaaneq soraarnerussutisiallu. - Ukiumut isertitat akilersuinerullu sivisussusaa apeqqutaatillugit. | | | | |
|--|----------|----------|----------|----------|
| | Ukiut 10 | Ukiut 20 | Ukiut 30 | Ukiut 40 |
| 100.000 kr. | 178% | 187% | 198% | 211% |
| 200.000 kr. | 93% | 102% | 113% | 126% |
| 300.000 kr. | 64% | 73% | 84% | 98% |
| 400.000 kr. | 50% | 59% | 70% | 83% |
| 500.000 kr. | 41% | 50% | 61% | 73% |
| 600.000 kr. | 36% | 45% | 56% | 65% |
| 700.000 kr. | 32% | 41% | 51% | 60% |
| 800.000 kr. | 29% | 38% | 47% | 56% |
| 900.000 kr. | 26% | 35% | 44% | 52% |
| 1.000.000 kr. | 24% | 33% | 41% | 50% |

Nalunaarsugaq: 67-inik ukioqalernermi soraarnerussutisiat akiliutigineqartalertarput, inuunerullu sinnerani akiliutigineqartarlutik. Ukiut 40-ni soraarnerussutisiassanut akilersuisimaneq tunngavigineqarpoq. Isertitat utoqqalinerneq soraarnerussutisiat aamma ileqqaartussaaitaaneq akilersuutitigut soraarnerussutisiat kisimi tunngaveqarput. Ukiumut aningaasarsiat aamma soraarnerussutisiat akileraarut akilertinnagu naatsorsorneqarput, tassa akileraarutit aamma ilanngaait siorna. Matussusiisarnep annertussusaa soraarnerussutisiat isertitat ilaattut katillugu soraarnerussutisiat akilersuutit naatsorsorneqartarpoq.

Ukiumut akiliineq

| 4 pct.-mik matussusiineq | | | | |
|---|-----------------|-----------------|-----------------|-----------------|
| - Soraarnerussutisiat katillugit naatsorsukkat: ileqqaartussaataitaaneq soraarnerussutisiallu. | | | | |
| - Ukiumut isertitat akilersuinerullu sivisussusaa apeqqutaatillugit. | | | | |
| | Ukiut 10 | Ukiut 20 | Ukiut 30 | Ukiut 40 |
| 100.000 kr. | 174.000 | 177.000 | 181.000 | 187.000 |
| 200.000 kr. | 177.000 | 184.000 | 192.000 | 203.000 |
| 300.000 kr. | 179.000 | 190.000 | 203.000 | 219.000 |
| 400.000 kr. | 182.000 | 197.000 | 214.000 | 236.000 |
| 500.000 kr. | 185.000 | 203.000 | 225.000 | 252.000 |
| 600.000 kr. | 188.000 | 210.000 | 236.000 | 268.000 |
| 700.000 kr. | 191.000 | 216.000 | 247.000 | 285.000 |
| 800.000 kr. | 194.000 | 223.000 | 258.000 | 301.000 |
| 900.000 kr. | 197.000 | 229.000 | 269.000 | 317.000 |
| 1.000.000 kr. | 200.000 | 236.000 | 280.000 | 334.000 |

Nalunaarsugaq: Tusinti qaninnermut akunnaallsitaq. 67-inik ukioqalernermi soraarnerussutisiat akiliutigineqartarput, inuunerullu sinnerani akiliutigineqartarlutik. Ukiut 40-ni soraarnerussutiassanut akilersuisimaneq tunngavigineqarpoq. Isertitat utoqqalinermi soraarnerussutisiant aamma ileqqaartussaataitaanermi akilersuutitigut soraarnerussutisiant kisimi tunngaveqarput. Ukiumut aningaasarsiat aamma soraarnerussutisiat akileraarut akilertinnagu naatsorsorneqarput, tassa akileraarutit aamma ilanngaait siorna.

| 10 pct.-mik matussusiineq | | | | |
|---|-----------------|-----------------|-----------------|-----------------|
| - Soraarnerussutisiat katillugit naatsorsukkat: ileqqaartussaataitaaneq soraarnerussutisiallu. | | | | |
| - Ukiumut isertitat akilersuinerullu sivisussusaa apeqqutaatillugit. | | | | |
| | Ukiut 10 | Ukiut 20 | Ukiut 30 | Ukiut 40 |
| 100.000 kr. | 178.000 | 187.000 | 198.000 | 211.000 |
| 200.000 kr. | 185.000 | 203.000 | 225.000 | 252.000 |
| 300.000 kr. | 193.000 | 220.000 | 252.000 | 293.000 |
| 400.000 kr. | 200.000 | 236.000 | 280.000 | 334.000 |
| 500.000 kr. | 207.000 | 252.000 | 307.000 | 365.000 |
| 600.000 kr. | 215.000 | 269.000 | 335.000 | 392.000 |
| 700.000 kr. | 222.000 | 285.000 | 357.000 | 418.000 |
| 800.000 kr. | 229.000 | 301.000 | 375.000 | 445.000 |
| 900.000 kr. | 236.000 | 318.000 | 393.000 | 472.000 |
| 1.000.000 kr. | 244.000 | 334.000 | 410.000 | 498.000 |

Nalunaarsugaq: Tusinti qaninnermut akunnaallsitaq. 67-inik ukioqalernermi soraarnerussutisiat akiliutigineqartarput, inuunerullu sinnerani akiliutigineqartarlutik. Ukiut 40-ni soraarnerussutiassanut akilersuisimaneq tunngavigineqarpoq. Isertitat utoqqalinermi soraarnerussutisiant aamma ileqqaartussaataitaanermi akilersuutitigut soraarnerussutisiant kisimi tunngaveqarput. Ukiumut aningaasarsiat aamma soraarnerussutisiat akileraarut akilertinnagu naatsorsorneqarput, tassa akileraarutit aamma ilanngaait siorna.